

# Txirritola

ARAMAIO / Barikua / 2005eko azaroaren 11 / 171. zenbakia

KOORDINATZAILEA: Ubane Madera • Otolora Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Bihar, zapatua, Sastiñan VI. Txirritola Partxis Lehiaketa

UBANE MADERA

16:30ean ipini dute lehiaketa-rako hitzordua. Nagusiendako zein gazteendako antolatutako ekimena da. Hala, bi mailatan banatuko dituzte lehiakideak: 6-14 urte bitartekoak eta 15 urtetik gorakoak. Sei sari prestatu ditu Txirritola Euskara Elkarteak.

Talde ugari espero dituzte bihar-ko lehiaketan, urtero izaten da eta halaxe. Gainera, Txirritola Euskara Elkartetik kontatu digutenez, nagusiek zein gazte-ek parte hartzen dute partxis lehiaketan.

### OHARRA ETA SARIAK

Txirritolatik ohar bat ere helarazi digute, lehiakideendako: lehiaketan jokatzeko, lehiakideek kontakteta (jolasari dagokion kontakteta) euskaraz egin beharko dute.

Horrez gainera, sei sari prestatu dituztela jakinarazi digute: 6-14 urtekoen artean, 60 euro eta garaikurra, irabazleari; 40 euro eta garaikurra, bigarrenari eta garaikurra, hirugarrenari.



lazko lehiaketako irabazleak: Txomin Elortza, Ainhoa Ruiz eta Iker Arriolabengoa.

15 urtetik gorakoen artean, berriz, 75 euro eta garaikurra emango diote lehenengoari; 50 euro eta garaikurra, bigarrenari eta garaikurra, hirugarrenari.

### TXALAPARTA IKASTAROA DELA-ETA

Bestalde, bukatu berri den txalaparta ikastaroaren gainean ere berba egin dugu Txirritolakoekin. Izan ere, ikastaroaren gaineko oso balorazio positiboa egin digute:

“Jendea oso-oso pozik dago. Oso giro polita sortu zen. 10-12 bat lagunek parte hartu zuen eta erabaki dute, hemendik aurrera, hileko azken barikuetan ahalegin-duko direla elkarrekin geratzen, ikasitakoa ez galtzeko”. Hala adierazi digu Txirritolako ordezkari Itsaso Lopez de Bergarak.

Alex Mendikute eta Edurne Uribarreniturrieta aramaioarrak izan ziren ikastaroko irakasleak.

## Ehunetik gora erretiratu, Alaiak elkartearen jaietan

U.M.

Gaur, barikua, San Martin eguna ospatzen dute aramaioarrek. Jaieguna dute herrian. Eta ez hori bakarrik, Alaiak Erretiratuaren Elkartearen bazkideei omenaldia ospatzekotan zen. Elkartearen presidentea Jabier Uribarrenek esandakoaren arabera, 115 bat erretiratut eman dute bazkarirako izena.

Lehenengo, mezarako hitzordua dute elkartearen bazkideek, 12:00etan. Horren ostean, goiza elkarrekin egin eta 14:00etan bazkaria dute, eskolako jangelan. Menua: hasierakoak, arraina, erredondoa, postrea eta kafea, puru eta guzti: “Aurten, behintzat,

purua erre ahal izango dugu, datorren urtean akaso ez”. Hala adierazi digu elkartearen presidentea Jabier Uribarrenek. Halaber, esan digu bazkalostean dantzaldia dutela elkartearen bazkideek; eta eguna borobiltzeko zozketa egingo dutela; Alaiak elkartearen asmoa da sei manta elektriko zozketatzea bazkideen artean.

### SAN MARTIN EGUNEAN

Horrez gainera, Jabier Uribarrenek esan digu erabaki dutela hemendik aurrera San Martin Egunean ospatuko dutela beti elkartearen bazkideen omenaldi hori: “Orain, San Martin ospatzen dugu uztailearen leian, eta asmoa da San Martin dagokion egunean ere ospatzea, urtero”.

*Bazkaria dute Alaiak elkartearen bazkideek, eskolan; eta gero, opariaren zozketa egingo dute*

*Alaiak elkartearen bazkideek erabaki dute urtero San Martin egunean ospatzea bazkideen omenaldia*



## Babes ofizialeko etxeak zelakoak izango diren

Olabarria enpresak bidali dio Udalari Pedro Inazio Barrutia kaleko babes ofizialeko etxeak izango duten irudiarrekin egindako muntaia. Alkateak esan digu oraindik behin betiko proiektua onartu egin behar dutela, baina, ez duela uste aldaketa handirik izango dutenik etxe horiek. Halaber, esan digu proiektuan azaltzen diren baina garaje gehiago egiteko proposamena bertan behera utzi dutela. 20 lagun behar zituzten eta 10ek eman dutelako izena. Beraz, 44 etxebizitza izanda, 44 garaje izango dituzte etxeok. / U.M.

## LABUR

### Farola Eguna ospatzeko deia egin zuten atzo

Ospakizun berri samarra da Aramaion Farola Eguna. Neguaren atarian egiteko antolatutako ospakizuna. Neguak dakarren iluntasuna zelanbait argitu gura dute egun horretan. Horregatik parte hartzen dutenek argitxoak eramateko ohitura izaten dute. Bereziki, San Martin Eskolako ikasleek eta haien gurasoek parte hartzen dute egun horretan, eta esan ziguten, atzo, eguna zirela egitekotan. Edozelan ere, albiste hau idaztean, oraindik ospakizuna egin barik zegoen.

**TELEFONO JAKINGARRIAK**

**OSASUNA / LARRIALDIK**

Osasun etxea (bandak)	945 44 53 40
Bonika	945 44 50 03
Udalekoa	945 44 50 16
Erasmintza (Arrasate)	943 79 71 99
Erasmintza (Legutio)	945 45 52 52
San Martin Eskola	945 44 50 04
Taxi eta autobusak	945 44 50 33
Udal buroioak	945 44 53 35
Postetxea	945 44 50 83
Zubiko Eskualdea	945 43 01 67
Sabiztekoak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoak duten orduetan eskaeraren gabehera zerbizua eskaintzen dute. Auzoetako bizilagunei zuzendutako da, eta autobusa erabili gura badute, bezperan delitu behar dute honako zenbaki honetara: 629 54 59 23

**OHARRAK**

**BARIKUKO ZINEMA: '2046'**

Wong Kar-Wai txinatarrak zuzendutako 2046 filma aukeratu dute gaurko saiorako. 22:00etan hasiko da. 120 minutu ditu filmak. Fikziozkoa da, idazle baten gainekoa. Besteak beste, Tony Leung, Gong Li eta Takuya aktoreek lan egiten dute.

**DATORREN ASTEAN, KZGUNEA**

Datorren astelehenean, azaroaren 14an, etorriko da KZguneko tutorea. 09:00etatik 13:00ak arte izango da. Horrez gainera, mintegi bat ere egingo dute: *Etxetik eros ezazu* Kasu horretan, eskolak izango dira 09:00etatik 11:00etara. Bestalde, hilaren amaiera aldera etorriko da berriro tutorea. Hain zuzen ere, azaroaren 28an. Egundik horretan ere, 09:00etatik 13:00ak arte izango da Aramaion. Eta 11:00etatik 13:00ak arte, *Asteburu bat Euskal Herrian* mintegia egingo dute.

Interesa duenak esandako orduetan KZgunera joatea besterik ez du. Informazio gehiago behar izanez gero: 943 79 99 44.



Arrasate Musikaleko zazpi txistularik egingo dute kontzertua Gantzagan.

ARTXIBOA

**Gaur hasi eta domekara arte, Gantzagan jai**

U.M.

Auzoko jaiak hasi dituzte gaur, barikua, Gantzagan. Hala, 21:00etan, kantu afaria egingo dute Izpizte elkarteak. Hortik aurrera denetarik izango da, tartean Aretxabaletako abesbatzaren eta Arrasate Musikaleko txistularien kontzertua.


Bihar, 12:00etako meza Aretxabaletako abesbatzak kantatuko du. Gainera, mezaren ostean kontzertua egingo du. Bukatzeko, 13:00etan, *Vermouth dantza* egingo dute, Larrea Anaien eskutik.

Zapatu arratsaldean, berriz, mus txapelketa jokatu dute,

Izpizten, 17:00etan hasita. Eta bien bitartean, 17:30ean, umeek denbora pasa dezaten, zirko lanteria izango dute.

Bestalde, gauetan Jon Ostolazak eta Unai Andonegik giro-tako dantzaldia egingo dute eta gainera, ohera joan aurretik txokolate beroa banatuko dute jaietara joan direnen artean.

Eta Gantzagako jaietan ohienez, XXV. Txirringulari Igoera egingo dute, domekan. 12:30ean izango da. Hori baino lehen, 11:00etan, meza esango dute hildakoen alde eta gero txistularien kontzertua izango da. 13:00etan, berriz, *triki-poteoa* egingo dute eta 17:00etan, tute txapelketa.



**Bigarren granada aurkitu dute, Albinan**

Joan den astean granada bat aurkitu zuten, eta oraingo astean, bigarrena. Bide zaharraren bazterrean aurkitu dute oraingoa, egoera eskasean; eta Ertzaintzak esan du litekeena dela gehiagoko egoera. Aurkituz gero, ez ukitu eta Ertzaintzari abisatu. /U.M.

**Bihar buzkantzak izango dira, trikitilariek oparitura**

U.M.

Trikitixa Eguna ospatuko dute bihar iluntzean, trikitixa eskolakoek. Ohi duten moduan, ospakizunaren barruan, buzkantzak eta txikitoak banatuko dituzte herritarren artean, Bizente Goikoetxea plazan.

San Martin zaindariaren eguna zaindu egiten dute herriko trikitilariek, Trikitixa Egunaren bitartez. Hala, bihar, zapatua, 18:00etan hasiko dira egun hori ospatzen. Kalejira egingo dute orduan, Trikitixa Eskolako ikasleekin. Betiere eguraldiak laguntzen bada. Hala ez bada, plazako

arkupetan jardungo dute "infernuko hauspoak" eta erritmoa markatzen duten panderoak bizi-bizi eragiten.

**ASTEBURUKO EGONALDIA**

Trikitilari gazteek kalejira egiten duten bitartean, plazan buzkantzak eta txikitoak emango dituztela jakinarazi digu Trikitixa Eskolako Mila Kortabarriak. Apurtxo bat geroago, trikitilariek, euren izango dute luntza, Ehiztari Txokoan. Eta luncharen ostean, 19:00ak edo 19:30ak inguruan, saltzen ibili diren txartelen zozketa egingo dute. Nekazal turismo batean egonaldia oparituko diote irabazleari.



TXIRRITOLA

Iaz ikasle dezentek parte hartu zuen Trikitixa Egunean; argazkian, kalejira egiten.



**Eskolakoak Gantzagan, Debaren jaioketuan**

Seigarren mailakoak Gantzagan izan dira, Deba ibaia non jaiotzen den eta hango museoa ikusten; Urkulu ezagutzeko ere aprobeztatu dute; uraren gaia lantzen ibili dira eta azkenaldian. Bestalde, esan digute azokan 400 euro batu zituztela. /U.M.